



Republika e Kosovës / Republika Kosova / Republic of Kosova  
Komuna e Podujevës / Opština Podujevo / Municipality of Podujeva



## KUVENDI I KOMUNËS

Në bazë të neneve 11, 12.2 shkronjat c) d) dhe 17 shkronjat f) dhe n) të Ligjit për vetëqeverisjen lokale nr.03/L-040, nenit 13 të Udhëzimit Administrativ (MAPL) nr. 04/2018 për Transparencë në Komuna, Udhëzimin Administrativ (MAPL) nr.06/2018 për Standardet Minimale të Konsultimit Publik në Komuna, nenit 13 paragrafi 1.1 të Rregullores (MAPL) nr.02/2021 për procedurën e hartimit dhe publikimit të akteve të komunës, dhe nenit 64 paragrafët 3 dhe 4, ndërlidhur me nenet 14, 15 paragrafi 2.3 të Statutit të Komunës së Podujevës, nr.01-020/01-0050862/18, në zbatim të Planit të Veprimit për Transparencë për periudhën 2019 - 2023 në Komunën e Podujevës, Kuvendi i Komunës së Podujevës, në propozim të Drejtorisë së Shërbimeve Publike Mbrojtjes dhe Shpëtimit, në mbledhjen e mbajtur më 29 shtator 2022, miratoi këtë,

### VENDIM PËR VËNIEN NË DISKUTIM PUBLIK

#### Neni 1

Vëhet në diskutim publik:

- *Propozim Rregullorja për Transportin e udhëtarëve me automjete taksi*

#### Neni 2

Diskutimi publik sipas nenit 1, zgjat 30 ditë përkatësisht prej **05 tetor 2022 deri më 05 nëntor 2022**, brenda së cilës Drejtoria e Shërbimeve Publike Mbrojtjes dhe Shpëtimit mund të organizoj diskutime dhe konsultime të ndryshme, kurse Debatit publik me qytetarë mbahet më **14 tetor 2022** duke filluar nga **ora 17:00**, në ndërtesën e re të Komunës, kati përdhës - salla e mbledhjeve.

#### Neni 3

Propozimet, sugjerimet, apo vërejtjet eventuale paraqiten ditën e mbajtjes të debatit publik, gjithashtu në formë të shkruar mund të paraqiten gjatë kohëzgjatjes së diskutimit publik në Zyrën për Marrëdhënie me Publikun dhe Informim, ndërtesa e re e Komunës zyra nr.54, si dhe në formë elektronike mund të dërgohen në e-mail adresën; [kujtim.zhitia@rks-gov.net](mailto:kujtim.zhitia@rks-gov.net); të cilat pastaj përcjellën në Drejtorinë përkatëse, brenda periudhës së diskutimit publik.

#### Neni 4

Dokumenti sipas nenit 1, është pjesë përbërëse e këtij vendimi dhe i njëjti publikohet në ueb-faqen zyrtare të Komunës: <http://kk.rks-gov.net/podujeve> (rubrika; aktet për diskutim publik)

#### Neni 5

Diskutimi/debatit publik zbatohet nga Drejtoria e Shërbimeve Publike Mbrojtjes dhe Shpëtimit, në bashkëpunim dhe koordinim me Zyrën për Marrëdhënie me Publikun dhe Informim, dhe përkujdeset për përgatitjen e raportit nga diskutimi / debati publik dhe të jap sqarime për arsyeshmërinë e pranimi ose mospranimi të propozimeve dhe sugjerimeve konkrete.

#### Neni 6

Pas shqyrtimit dhe miratimit, Vendimi hyn në fuqi pas publikimit ueb faqen zyrtare të Komunës.

Nr.prot. 01-340/01-0084089/22  
Podujevë, datë, 29.09.2022



Kryesuesi i Kuvendit  
Hilmi Hoxha



*Republika e Kosovës / Republika Kosova / Republic of Kosova*  
*Komuna e Podujevës / Opština Podujevo / Municipality of Podujeva*

Në bazë të nenit 12, paragrafit 12.2 pikës (c) dhe nenit 40 paragrafit 40.2 pika (a) të Ligjit për Vetëqeverisje Lokale (Gazeta Zyrtare e Republikës së Kosovës: Nr. 28 / 04 qershor 2008), nenit 5 paragrafit 5 dhe 6, nenit 7 paragrafit 8, nenit 12 paragrafit 2, nenit 15 paragrafit 2, nenit 17 paragrafit 5, nenit 32 paragrafit 5 dhe nenit 35 paragrafit 2 të Ligjit Nr. 04/L-179 për Transportin Rrugor (Gazeta Zyrtare e Republikës së Kosovës/Nr. 21/13 qershor 2013) dhe Neni 19 pika (1.6 dhe 1.14) e Statutit të Komunës së Podujevës nr. 01-020/01-0050862/18, e dt. 29. Qershor. 2018, Kuvendi i Komunës së Podujevës, në mbledhjen e mbajtur me \_\_\_\_\_, miratoi këtë:

## **RREGULLORE**

### **PËR TRANSPORTIN E UDHËTARËVE ME AUTOMJETE TAKSI**

#### **I. DISPOZITAT E PËRGJITHËSHME**

##### **Neni 1** **Qëllimi**

Qëllimi i miratimit të Rregullores për transportin e udhëtarëve me automjete taksi (në vazhdim të tekstit: Rregullore) është që Komuna në pajtim me Ligjin Nr.04/L-179 për Transportin rrugor të krijoj kushte për ofrimin e shërbimeve të transportit të udhëtarëve dhe të rregullojë mënyrën e kryerjes së veprimtarisë të personave fizik dhe juridik të regjistruar për transportin e udhëtarëve me automjete taksi.

##### **Neni 2** **Objekti i rregullimit**

Me këtë Rregullore përcaktohet objekti i rregullimit, si vijon:

Subjektet për ushtrimin e veprimtarisë së transportit të udhëtarëve me automjete taksi, Licenca dhe kushtet për lëshimin e Licencës, procedura e lëshimit, revokimit dhe e marrjes së Licences, caktimi dhe dhënia në shfrytëzim e vendparkingjeve, ushtrimi i veprimtarisë, evidencat, detyrat për zbatimin e rregullores, masat për mos respektimin e rregullores, procedura e ankesave, dispozitat përfundimtare dhe dispozitat për hyrjen në fuqi të kësaj rregulloreje.

Neni 3  
Subjektet për ushtrimin e veprimtarisë

Në pajtim me Ligjin për Transportin rrugor dhe me këtë Rregullore, të drejtë për bartjen e udhëtarëve me automjete taksi në territorin e Komunes së Podujevës kanë personat fizik dhe juridik të regjistruar për kryerjen e veprimtarisë të transportit të udhëtarëve me automjete taksi (në vazhdim të tekstit: Operatorët), të cilet posedojnë Licencën dhe automjetet me të drejtë të shfrytëzimit të vendparkingut të caktuar për automjete taksi.

II. LICENCA DHE KUSHTET PËR LËSHIMIN E LICENCËS

Neni 4  
Licenca

1. Licenca është akt me të cilin i lejohe operatorit ushtrimi i veprimtarisë së transportit të udhëtarëve me automjete taksi në territorin e Komunës së Podujevës sipas kushteve të përcaktuara me Ligjin për Transportin rrugor dhe me këtë Rregullore.
2. Formën dhe përmbajtjen e Licences në pajtim me Ligjin dhe me këtë Rregullore e përcakton Drejtoria e shërbimeve publike, mbrojtje dhe shpëtim.
3. Licenca i lëshohet operatorit - personit fizik për ushtrimin e veprimtarisë të transportit me 1 (një) automjet taksi, ndërsa personit juridik për ushtrimin e veprimtarisë prej 3(tri) e më shumë automjeteve.
4. Licenca lëshohet në emër të operatorit dhe në rast të pushimit të veprimtarisë ose revokimit nuk mund të zëvendësohet ose të bartet te personat e tretë.
5. Licencën e lëshon Drejtorati për Shërbime publike, mbrojtje dhe shpëtim në kohëzgjatje prej 5 vite, ndërsa tek personat të cilët arrijnë moshën 65 vjeçare licenca i'ju lëshohet për aq kohe-vite deri në arritjen e moshës së pensionimit.
6. Për marrjen e Licencës operatorët duhet të plotësojnë kushtet e përcaktuara me nenin 5 dhe 12 të kësaj Rregulloreje.
7. Aplikimi për marrjen e licencës bëhet përmes njoftimit publik.
8. Me rastin e marrjes së licencës operatori fizik është i obliguar ta paguaje taksen prej 30 eurove, ndërsa personi juridik është i obliguar ta paguaje taksen prej 30 eurove për çdo veturë.
9. Operatori auto taksi i cili nuk i ka kryer obligimet ndaj Komunës për pagesën e vendqëndrimit në auto parking nuk ka të drejtë të aplikimit për t'u pajisur me licencë pa i kryer obligimet ndaj Komunës.

Neni 5  
Kushtet për licencim

Operatorët për marrjen e Licencës duhet të plotesojnë kushtet në vijim:

- 1.1 Të jenë të regjistruar për ushtrimin e veprimtarisë të transportit të udhëtarëve me automjete taksi,
- 1.2 Të kanë selinë e biznesit në territorin e Komunës së Podujevës,
- 1.3 Personat fizik të kenë në pronësi automjetin, ndërsa personat juridik të kenë në pronësi së paku 3 (tre) automjete,
- 1.4 Automjeti duhet të jetë i regjistruar me 5 ulëse (4+1) dhe së paku 4 dyer ( nuk pranohet homologimi ose ndryshimi i ulëseve të automjetit),
- 1.5 Ngjyra e automjetit taksi mund të jenë të ndryshme me kusht që automjetit ti vendoset një shirit identifikues me ngjyrë bardh e zi,
- 1.6 Drejtuesit e automjeteve të posedojnë patentë shoferin për kategorinë "B" dhe së paku 5 vite përvojë në drejtimin e automjetit, ndërsa të punësuarit të personi juridik edhe kontratën e punës,
- 1.7 Operatorët të cilët operojnë auto taksi në qytetin e Podujevës duhet të kenë automjetin me vitin e prodhimit jo më të vjetër se viti 2000.
- 1.8 Përparësi për t'u pajisur me licencë në kushte të barabarta do të kenë operatorët të cilët kanë ushtruar veprimtarinë taksi.
- 1.9 Automjetet të cilat e bëjnë djegijen me gas nuk mund të ushtrojnë veprimtarinë auto taksi.

III. PROCEDURA E LËSHIMIT, REVOKIMIT DHE E MARRIES SË LICENCËS

Neni 6  
Njoftimi publik

1. Kryetari i Komunës merr vendim për shpalljen e njoftimit publik për dhënien e licencave dhe formon Komisionin për shqyrtimin e aplikacioneve të operatorëve dhe verifikimin e automjeteve. Komisioni do të jetë në përbërje prej 5 (pesë) anëtarëve.
2. Njoftimi publik shpallet në faqen elektronike të Komunës dhe në një gazetë ditore.

Neni 7  
Dokumentacioni për licencim

Operatorët të cilët aplikojnë për marrjen e licencës, aplikacionit duhet t'i bashkëngjeshin dokumentacionin, si vijon:

- 1.1 Certifikatën mbi regjistrimin e biznesit,
- 1.2 Informatat mbi të dhënat e biznesit,
- 1.3 Fotokopjen e Certifikatës së regjistrimit të automjetit,
- 1.4 Për drejtuesit e automjeteve fotokopjen e patent shoferit për kategorinë "B", ndërsa për të punësuarit edhe kopjen e kontratës së punës,
- 1.5 Vërtetimi nga Policia mbi të kaluarin kriminale të operatorit dhe vozitesit të personat juridik.

## Neni 8

### Shqyrtimi i aplikacioneve

Komisioni për shqyrtimin e aplikacioneve të operatorëve sipas njoftimit publik, në afat prej 20 dite nga dita e pranimit të vendimit për formimin e komisionit, shqyrton aplikacionet, verifikon automjetet dhe harton Raportin me listën e operatorëve të cilët i plotësojnë kushtet për dhënien e Licencës, të cilin ia dërgon Drejtoratit për shërbime publike, mbrojtje dhe shpëtim.

## Neni 9

### Revokimi dhe marrja e Licencës

I. Për revokim, ndërprerje të afatit dhe marrje të licencës vendos Drejtorati për shërbime publike, mbrojtje dhe shpëtim.

2. Licenca do të revokohet nëse vërtetohet se Operatori për marrjen e licencës ka prezentuar dokumentacion i cili nuk kërkon me gjendjen reale.

3. Licenca do të pushojë të vlejë, në rastet në vijim:

3.1 Me kërkesë me shkrim të operatorit,

3.2 Me rastin e vdekjes së personit fizik ose shuarjes së veprimtarisë së personit juridik,

3.3 Kur Drejtorati, vërteton se operatori gjatë ushtrimit të veprimtarisë më nuk i plotëson kushtet nga nenet 5 dhe 12 të kësaj rregullorëje.

4. Drejtorati i Inspektoratit - Inspektorët e trafikut, konform këtij neni, gjatë mbikëqyrjes inspekuese do të njoftojnë Drejtorin për shërbime publike, mbrojtje dhe shpëtim dhe do të prezantojnë provat për rastet për të cilat duhet të fillohet procedura për revokim dhe marrje të licencës.

## IV. CAKTIMI DHE DHËNIA NË SHFRYTËZIM E VENDPARKINGJEVE

## Neni 10

### Vendparkingjet

I. Për kryerjen e veprimtarisë të bartjes së udhetarëve me automjete taksi, Komuna siguron dhe mirëmbane Vendparkingjet për qëndrimin e automjeteve taksi për marrjen e udhetarëve për personat fizik, ndërsa për personat juridik qëndrimi për automjetet taksi nuk sigurohet nga Komuna por nga vetë personat juridik.

2. Kryetari i Komunës, me propozim të Drejtoratit për planifikim, urbanizem dhe mbrojtje të mjedisit dhe Drejtoratit të shërbimeve publike, mbrojtje dhe shpëtim me Vendim përcakton lokacionet për vendparkingje dhe numrin e automjeteve që mund të vendosen në vendparkingje.

3. Në hyrje të vendparkingut duhet të vendoset shenja vertikale me mbishkrim "TAXI".

Neni 11  
Caktimi i vendparkingjeve

1. Vendet për qëndrimin e automjeteve për marrjen e udhëtarëve në vendparkingun e caktuar për automjete taksi, do t'u jepen në shfrytëzim operatorëve të licencuar për këtë vendparking.
2. Automjetet taksi, renditen në vendparking sipas kohës së arritjes.
3. Operatorët e licencuar për automjete taksi, për shfrytëzimin e autoparkingjeve duhet të paguajnë taksën vjetore sipas Rregullores për Taksat Komunale.
4. Operatorët të cilët nuk i kryejnë obligimet e pageses për vendqëndrim në vendparkingje brenda afatit prej tre muajve duke filluar nga data 01.01 deri me 31.03 të vitit përkatës Komuna do të bëjë ekzekutimin përmes procedurave permbarimore.

V. USHTRIMI I VEPRIMTARISË

Neni 12  
Kushtet për automjetet taksi

1. Për t'u pajisur me licencë operatorët taksi për veq dokumentacionit të dorëzuar për licencim duhet ti plotësojnë këto kushte:
  - 1.1 Operatorët të cilët operojnë në qytetin e Podujevës të kenë të ngjyrosur automjetin me cilën do ngjyrë të përzgjedhur nga operatori me kusht që automjetit t'i vendoset një shirit identifikues me ngjyrë bardh e zi sipas standarteve,
  - 1.2 të posedojë taksimetrin e vendosur në automjet në gjendje të rregulltë, i bazhdaruar nga organi kompetent,
  - 1.3 të ketë të vendosur mbi kabinë paralel me erëmbrojtësin tabelën me dimensione standarde e paisur për ndriqim natën me shenjën "TAXI",
  - 1.4 të posedojë aparatën për fikjen e zjarrit,
  - 1.5 të posedojë sistemin e ngrohjes dhe të ventilimit.
2. Në automjet, drejtuesi i automjetit, për veq Certifikatës mbi regjistrimin e automjetit dhe patent shoferit, duhet të posedoje :
  - 3.1 Kopjen e Licencës,
  - 3.2 Çmimoren e shërbimeve.

Neni 13  
Transporti i udhëtarëve

1. Transporti i udhëtarëve me automjetet taksi bëhet nga vendparkingjet e destinuar për automjete taksi, sipas thirrjeve të udhëtarëve me mjete të komunikimit ( me telefon) nga vendi i caktuar nga udhëtari dhe kur automjeti është në lëvizje, me kërkesë të udhëtarit për t'u ndalur, në vendin e lejuar në të cilin nuk rrezikohet komunikacioni.

2. Drejtuesi i automjetit në autoparking duhet të qëndrojë në automjet për marrjen e udhëtarëve.

3. Operatori nuk ka të drejtë të qëndrojë për marrje të udhëtarëve në vendndaljet e destinuara për autobus.

#### Neni 14 Çmimorja e shërbimeve

1. Operatorët duhet të përcaktojnë çmimoren e shërbimeve.
2. Çmimorja vendosët në automjet afër taksimetrit në vend të pershtatshëm për t'u lexuar nga udhëtari.
3. Operatori për shërbimet e transportit i jep udhëtarit dëshminë mbi kryerjen e pagesës.

#### Neni 15 Ndalesat gjatë ushtrimit të veprimtarisë

1. Gjatë transportit të udhëtarëve me automjete taksi nuk është e lejuar:
  - 1.1 Vendosja dhe qëndrimi i automjeteve për pranimin e udhëtarëve jashtë vendparkingjeve për automjete taksi për personat fizik,
  - 1.2 Kryerja e transportit të udhëtarëve pa Licence dhe pa vend të përcaktuar për qëndrim të automjetit në vendparkingjet për automjete taksi,
  - 1.3 Zbritja e udhëtarëve në vendndaljet e autobusëve,
  - 1.4 Bartja e udhëtarëve - fëmijëve nën moshën 6 vjeqare pa përcjellës,
  - 1.5 Bartja e udhëtarëve nën ndikim të alkoolit dhe të narkotikëve,
  - 1.6 Vendosja në automjet e relacionit dhe emërtimit të vendit të udhëtimit,
  - 1.7 Vendosja e reklamave në automjet,
  - 1.8 Hijezimi i dritareve të automjetit,
  - 1.9 Pranimi i më tepër se 4(katër) udhëtarëve,
  - 1.10 Bartja e udhëtarëve pa tabelën taksi,
  - 1.11 Marrja e udhëtarëve jashtë territorit të Komunes,
  - 1.12 Bartja e mallrave, kafshëve dhe shpezëve ,
  - 1.13 Pirja e duhanit në automjet dhe
  - 1.14 Përdorimi i mjeteve audiovizuale me zë të lartë.

## VI. EVIDENCAT

#### Neni 16 Regjistri i Licencave

1. Drejtoria për shërbime publike, mbrojtje dhe shpëtim në formë fizike dhe elektronike mbanë Regjistrin e Licencave të operatorëve për ushtrimin e veprimtarisë me automjete taksi.
2. Regjistri i licencave përmbanë:
  - 2.1 Numrin e licencës,
  - 2.2 Datën e licencës,

- 2.3 Emërtimin e operatorit,
- 2.4 Kohëzgjatjen e licencës.

## VII. DETYRAT PËR ZBATIMIN E RREGULLORES

### Neni 17 Obligimet e organeve të Komunës

1. Drejtoria e shërbimeve publike, mbrojtje dhe shpëtim dhe organet tjera të administratës së Komunës në kuadër të kompetencave, në pajtim me ligjin dhe me këtë rregullore kanë obligim për ndermarrjen e masave dhe nxjerrjen e akteve për zbatimin e kësaj rregulloreje.
2. Drejtorati i Inspektoratit - Inspektorët e trafikut duhet të informojnë me shkrim Drejtoratin e shërbimeve publike, mbrojtje dhe shpëtim mbi masat e ndërmarra të mbikëqyrjes inspektive për zbatimin e kësaj Rregulloreje.

### Neni 18 Obligimet e operatorëve

Operatorët, transportin e udhëtarëve me automjete taksi duhet ta kryejnë në pajtim me Ligjin për Transportin rrugor dhe me këtë Rregullore.

## VIII. MASAT PËR MOS RESPEKTIMIN E RREGULLORES

### Neni 19 Fletëparaqitja për kundërvajtje

Inspektorët komunal të trafikut, për veq masave të parapara me dispozitat e Ligjit për Transportin rrugor, ushtrojnë fletëparaqitje për kundërvajtje ndaj operatorëve dhe personave të cilët, veprojnë në kundërshtim me dispozitat e kësaj Rregulloreje, ushtrojnë veprimtarinë e transportit të udhëtarëve me automjete taksi.

- Personi fizik dhe personi përgjegjës i personit juridik për kundërvajtje do të dënohet në gjobë prej njëzet e pesë (25) deri njëqind (100) euro.

-Ndërsa personi juridik për kundërvajtje do të dënohet me gjobë prej shtatdhjetë (70) deri në shtatqind (700) euro.

## IX. PROCEDURA E ANKESAVE

### Neni 20 Kërkesa për rishqyrtim dhe ankesa

1 .Pala e pakënaqur me Vendimet e bazuara në këtë Rregullore të Drejtoris për shërbime publike, mbrojtje dhe shpëtim dhe të Inspektorit të trafikut mund të parashtroje kërkesë për rishqyrtim të Vendimit ose Ankesë komisionit komunal për ankesa të formuar me Vendim të kryetarit të komunës.



2.Kundër vendimit të komisionit komunal të ankesave të përcaktuar sipas paragrafit, paraprak të këtij neni pala mund të parashtroje Ankesë e cila i dergohet Ministrise te Infrastruktures - Departamentit të Transportit, në afat prej 30 dite nga dita e njoftimit të Vendimit.

#### X. DISPOZITAT PËRFUNDIMT

##### Neni 21

Në ditën e hyrjes në fuqi të kësaj rregulloreje shfuqizohet Rregullorja për transportin e udhëtarve me automjete taksì në Komunen e Podujevës nr.01/116-110, më 30 qershor 2011

##### Neni 22 Hyrja në fuqi

Kjo rregullore hyn në fuqi 15 dite pas miratimit,përkatësisht regjistrimit ne Zyren e protokollit te Ministrise së Administrimit te Pushtetit Lokal, si dhe publikimit në gjuhë zyrtare në ueb-faqen e Komunës së Podujevës.